

唐圭璋編

全宋

詞

第六冊

國立編譯館

全宋詞卷八十六

張元幹 一百首 附錄

張元幹

青玉案 燕趙端
禮堂成

華裾玉轡青絲鞵記年少金吾從花底朝回珠翠擁曉鐘初斷宿
醒猶帶綠鑲窗中夢 天涯相遇鞭驚鳳老去堂成更情重月轉
簷牙雲遠棟涼吹香霧酒迷歌扇春筍傳杯送

又 和再

王孫陌上春風輕葉珠宴雲幘從歸去笙歌常醉擁蠟殘花炬月
侵冰簟慣作涼堂夢 玉人勸客釵斜鳳條脫擎杯腕嫌重燕子
子入簾飛盡棟雨餘深院漏催清夜更札奉箏送

又 朝生

花王獨占春風遠看百卉芳菲遍五福長隨今日宴粉光生豔寶

香飄露方響流蘇顫 壽祺堂上脩篁畔乳燕雙雙賀新院玉聲
明年何處勸旌旛滿路貂蟬宜面歸覲黃金殿

又 蜀翁
生朝

水芝香遠搖紅影泛瑞靄橫山頂縹緲笙歌雲不定玉鈎斜掛素
蟾初滿醉愜浮瓜冷 庭蘭戲彩傳金鼎小袖青衫更輝映誰道
筠溪歸計近秋風催去鳳池難老長把中書印

又 朝生

銀潢露洗冰輪皎謫仙下蓬萊島簾捲橫山珠翠繞生朝香霧玳
筵絲筦長醉壺天曉 金鑾夜鑲麻新草入輔明光拜元老看取
明年人總道中興賢相太平時世分外風光好

又

月華冷沁花梢露芳意戀香肌住心字龍涎饒濟楚素馨風味碎
瓊流品別有天然處 闌爐屈曲宜深炷留取春光向朱戶綠綺
聲中誰暗許小窗歸去夢回猶記金鼎分雲縷

又 賀方回所作世間和韻者多矣余經行松江何啻百回念欲下一轉語
了無好懷此來偶有得當與吾宗椿老子載酒浩歌西湖南山間寫我

滯思二公不可不入社也

平生百繞垂虹路看萬頃翻雲去山澹夕暉帆影度菱歌風斷轡
羅塵散塵總是關情處少年陳迹今遲暮走筆猶能醉時句花
底目成心暗許舊家春事覺來客恨分付疎篷雨

點絳脣丙寅秋社前一日
溪光亭大雨作

山暗秋雲暝鴉接翅啼榕樹故人何處一夜溪亭雨夢入新涼
只道消殘暑還知否燕將雛去又是流年度

又

水驛凝霜夜帆風駛潮生曉酒醒寒悄枕底波聲小好去歸舟
有箇人風調君行了此歡應少索共梅花笑

又

春曉輕雷采蘋洲上清明雨亂雲遮樹暗澹江村路今夜歸舟
綠潤紅香處遙山暮畫樓何許喚取潮回去

又

畫閣深圍暖紅光裏芳林影暗香成陣上下花相映倒掛疎枝

月落參橫冷休裝景要人酒醒除是花枝並

又生朝

嵩洛雲煙間生真相者英裔要知鮐背難老中和氣報道玉堂
已草調元制華夷喜繡裳貂珥便向東山起

又早洛濱筠
溪二老

清夜沉沉暗蛩啼處簷花落乍涼簾幙香透屏山角堪恨歸鴻
情似秋雲薄書難託儘交寂寞忘了前時約

又

醉泛吳松小舟誰怕東風大舊時經過曾向垂虹臥月淡霜天
今夜空清坐還知麼滿斟高和只有君知我

又

減塑冠兒寶釵金縷雙綵結怎教寧帖眼惱兒裏劣韻底人人
天與多磨折休分說放燈時節閑了花和月

又

水鷁風帆兩眉只解相思皺悄然難受教我怎唧噥待得書來

不管歸時瘦嬌癡後是事攔就只這難依口

虞美人

廣寒蟾影開雲路目斷愁來處菊花輕泛玉杯空醉後不知星斗
亂西東 今宵入夢陽臺雨誰忍先歸去酒醒長是五更鐘休念
舊遊吹帽幾秋風

又

西郊追賞尋芳處聞道衝寒去雨肥紅綻向南枝歲晚纔開應是
恨春遲 天涯樂事王孫貴花底還君醉有人風味勝疎梅醉裏
折花歸去更傳杯

又

菊坡九日登高路往事知何處陵遷谷變總成空回首十年秋思
吹臺東 西牕一夜蕭蕭雨夢繞中原去覺來依舊畫樓鍾不道
木犀香撼海山風

漁家傲

顯玄真子圖

釣笠披雲青障繞檣頭細雨春江渺日鳥飛來風滿棹收綸了漁

童拍手樵青笑 明月太虛同一照浮家泛宅忘昏曉醉眼冷看
城市鬧煙波老誰能惹得閑煩惱

又

樓外天寒山欲暮溪邊雪後藏雲樹小艇風斜沙觜露流年度春
光已向梅梢住 短夢今宵還到否葦村四望知何處客裏從來
無意緒催歸去故園正要鶯花主

又奉陪富公季申探梅有作

寒日西郊湖畔路天低野闊山無數路轉斜岡花滿樹絲吹雨南
枝占得春光住 藉草攜壺花底去花飛酒面香浮處老手調羹
當獨步須記取坐中都是芳菲侶

謁金門

鴛鴦渚春漲一江花雨別岸數聲初過櫓晚風生碧樹 艇子相
呼相語載取莫愁歸去寒食煙村芳草路愁來無着處

又道山亭饒強梅老赴行在

風露低石上岸巾愁起月到房心天似水亂峯清影裏 此去登

瀛須記今夕道山同醉春殿明年人共指玉皇香案吏

又送康伯楨

清光溢影轉畫簷涼入風露一天星斗濕無雲天更碧滿引送君何惜記取吾曹今夕目斷秋江君到日潮來風正急

瑞鷗鵠

鷓鴣初囀鬬尖新雙葉花嬌掌上身揔解滿斟偏勸客多生俱是綺羅人回波偷顧輕招拍方響底敲更合樂豆蔻梢頭春欲透情知巫峽待爲雲

又彭德器出示胡邦衡新句次韻

白衣蒼狗變浮雲千古功名一聚塵好是悲歌將進酒不妨同賦惜餘春風光全似中原日臭味要須我輩人雨後飛花知底數醉來贏得自由身

好事近

老去更思歸芳草正薰南陌上已又逢寒食歎三年爲客吹花小雨濕秋千閑却好春色天甚不憐人老早教人歸得

又

梅潤乍晴天簾捲畫堂風月珠翠共迷香霧是長年時節瑤池清夜宴羣仙鸞笙未吹徹西母醉中微笑看蟠桃初結

又

春色到花房芳信一枝偏好勾引萬紅千翠爲化工呈巧花姑玉貌笑東風今朝放春早看取鬢邊幘勝永宜春難老

又

斗帳炷爐熏花露裊成薌澤縈透雪兒金縷醉玉壺春色非霧縠牕中王孫倦留客不道粉牆南畔也有人閒得

怨王孫

小院春晝晴窗霞透着雨燕脂倚風翠袖芳意惱亂人多煖金荷多情不分羣葩後傷春瘦淺黛眉尖秀紅潮醉臉半掩花底重

門怨黃昏

又

紹興乙丑春二月既望李文中置酒溪園日暮雨過畫得雲烟變態如對營丘着色山坐客有歌怨王孫者請予賦其情抱葉子謙爲作三弄吹雲裂石旁若無人永福前此所未見也老子於此興復不淺

霧雨天迥平林煙暝燈閃沙汀水生釣艇樓外柳暗誰家亂昏鴉

相思怪得今番甚寒食近小研魚牋信屏山交掩微醉獨倚欄

干恨春寒

喜遷鶯令

送何晉之大著兄
趨朝歌以侑酒

文倚馬筆如椽桂殿蚤登仙舊遊冊府記當年衮繡合貂蟬慶

天申瞻玉座鵷鷺正陪班看君穩步過花輒歸院引金蓮

又呈富樞

雲葉亂月華光羅幙卷新涼玉醅初泛嫩鵝黃花露滴秋香地

行僊天上相風度世間人樣懸知洗盞徑開嘗誰醉伴禪牀

喜遷鶯慢

鹿鳴宴作

鴈塔題名寶津盼宴盛事簪紳常說文物昭融聖代搜羅千里爭

趨丹闕元侯勸駕鄉老獻書發軔龜前列山川秀園冠衆多無如

閩越豪傑姓標紅紙帖報泥金喜信歸來俱捷驕馬蘆鞭醉垂

藍綬吹雪芳月素娥情厚桂華一任郎君折須滿引南臺又是合

沙時節

案吳本此下原有鷓鴣天不怕
微霜一首乃葉夢得詞刪去

憶秦娥

桃花萼雨肥紅綻東風惡東風惡長亭無寐短書難託征衫辜

負深閨約禁煙時候春羅薄春羅薄多應消瘦可忺梳掠

明月逐人來

燈夕趨禮
端席上

花迷珠翠香飄羅綺簾旌外月華如水暖紅影裏誰會王孫意最

樂昇平景致長記宮中五夜春風鼓吹遊仙夢輕寒半醉鳳幃

未暖歸去熏濃被更問陰晴天氣

小重山

誰向晴牕伴素馨蘭芽初秀發紫檀心國香幽豔最情深歌白雪

祗少一張琴新月冷光侵醉時花近眼莫頻斟薛濤牋上楚妃

吟空凝睇歸去夢中尋

上西平

臥扁舟聞寒雨數佳期又還是輕誤仙姿小樓夢冷覺來應恨我

歸遲鬢雲鬆處枕檀斜露泣花枝名利空縈繫添憔悴謾孤恹

得見了說與教知假香倚暖夜爐圍定酒溫時任他飛雪灑江天
莫下層梯

春光好爲楊聽父侍兒切繪作

花恨雨柳嫌風客愁濃坐久霜刀飛碎雪一罇同 勞煩玉指春
葱未放筇金盤已空更與箇中尋尺素兩情通

又

寒食近踏青時畫堂西可是春來偏倦繡乍生兒 香綿輕拂烟
脂加文襟初試班衣諠沒工夫存問我且憐伊

清平樂

亂山深處雪擁溪橋路曉日乍明催客去驚起玉鴉翻樹 翠衾
香煖檀灰一枝想見疎梅憑仗東風說與畫眉人共春回

又

明珠翠羽小綰同心縷好去吳松江上路寄與雙魚尺素 蘭橈
飛取歸來愁眉待得伊開相見嫣然一笑眼波先入郎懷

菩薩蠻

天涯客裏秋容晚妖紅聊戲思鄉眼一朵醉深粧羞渠照鬢霜
開時誰斷送不待司花共有脚號陽春芳菲屬主人

又戲呈周介卿

拍堤綠漲桃花水畫船穩泛東風裏絲雨濕苔錢淺寒生禁煙
江山留不住却載笙歌去醉倚玉搔頭幾曾知旅愁

又三月晦送春有集坐中偶書

春來春去催人老老夫爭肯輸年少醉後少年狂白髭殊未妨
插花還起舞管領風光處把酒共留春莫教花笑人

又

雨餘翠袖瓊膚潤一枝想像傷春困老眼見花時惜花心未衰
釀成誰與醉應把流蘇綴淚沁枕囊香惱儂歸夢長

又政和王辰東都作

黃鶯啼破紗幮曉蘭缸一點窺人小春淺錦屏寒麝煤金博山
夢回無處覓細雨梨花濕正是踏青時眼前偏少伊

又

甘林玉蘂生香霧遊蜂爭採清晨露芳意著人濃微烘曲室中
春來瀛海外沉水迎風碎好事富餘熏頻分幾縷雲

樓上曲

樓外夕陽明遠水樓中人倚東風裏何事有情怨別離低鬟背立
君應知東望雲山君去路斷腸迢迢盡愁處明朝不忍見雲山
從今休傍曲欄干

又

清夜燈前花報喜心隨社燕涼風起雲路修成寶月時東樓悵望
君先歸沉瀝秋香生玉井畫簷深轉梧桐影看君西去侍明光
杯中丹桂一枝芳

豆葉黃唐腔也爲伯南
賦早梅復和韻

冰溪疎影竹邊春翠袖天寒燭暮雲雪裏精神澹佇人隔重門寶
粟生香玉半溫

又

疎枝冷蕊忽驚春一點芳心入鬢雲風韻情知似玉人笑迎門香

暖紅爐酒未溫

滿庭芳壽

梁苑春歸章街雪霽柳梢華萼初萌非煙非霧新歲樂昇平京兆
雍容報政金猊過九陌塵輕朝回處青霄路穩黃色起天庭東
風吹綠鬢薄羅剪綵小綰流鶯比渭濱甲子尙父難兄滿泛椒觴
獻壽斑衣侍雲母分屏明年會雙衣對引談笑秉鈞衡

又壽富
樞密

韓國殊勳洛都西內名園甲第相連當年綠鬢獨占地行仙文彩
風流瑞世延朱履絲竹喧闐人皆仰一門相業心許子孫賢中
興方慶會再逢甲子重數天元問千齡誰比五福俱全此去沙隄
步穩調金鼎七葉貂蟬香檀緩杯傳鸚鵡新月正娟娟

又爲趙西
外壽

玉葉聯芳天潢分潤壽筵長對熏風間平襟度濮邸行尊崇忠孝
家傳大雅無喜愠一種寬容芝蘭盛綵衣嬉戲親睦冠西宗絲
綸膺重寄遙防遷美本鎮恩隆應萱堂齊福誕月仍同花藥香濃

氣暖凝瑞露滿酌金鐘龍光近星飛驛馬宣入嗣王封

又

三十年來雲游行化草鞋踏破塵沙徧參尊宿曾記到京華
衲子如麻似粟誰會笑瞿老拈花經離亂青山盡處海角又天涯
今宵閑打睡明朝粥飯隨分僧家把木佛燒却除是丹霞撞著門徒
施主驀然箇喜捨由他廬陵米還知價例毫髮更無差

瑞鶴仙

倚格天峻閣舞庭槐陰轉盆榴紅燦香風泛簾幙擁霞裾瓊珮眞
珠璣珞華陽慶渥誕蘭房流芳秀尊有赤繩繫足從來相門自然
媒灼遊戲人間榮貴道要元微水源清濁長生大藥彩鸞韻鳳簫
鶴對木公金母子孫三世婦姑爲壽滿酌看千齡舉家飛昇玉京
更樂

又

喜西園放鑰對燕寢香潤棠陰寒薄東風夜來惡禁煙時天氣鶯
啼花落新晴共約怕韶光容易過却把銅壺緩浮金盃禡遊行樂

絃索笙簧聲裏還記蘭房正垂羅幕初眠柳弱梅如豆玉如琢
向鳳凰池上鴛鴦影裏他年何啻紫臺看流芳繼踵章平盛傳輩
洛

瑤臺第一層

寶曆祥開飛練上青冥萬里光石城形勝秦淮風景威鳳來翔臘
餘春色早光釣璜賢佐與王對熙旦正格天同德全魏分疆
煒煌五雲深處化鈞獨運斗魁旁繡裳龍尾千官師表萬事平章景
鍾文瑞世醉尙方難老金漿慶垂芳看雲屏間坐象笏堆床

又

江左風流鍾間氣洲分二水長鳳凰臺畔投懷玉燕照社神光豆
花初秀雨散暑空洗出秋涼慶生旦正圓蟾呈瑞仙桂飄香
肝腸揆文摘錦駕雲乘鶴下鷁行紫樞將命紫微如綽常近君王舊
山同梓里荷月旦久已平章九霞觴薦刀圭丹餌袞繡朝裳

望海潮

癸卯冬爲建守趙
季西賦雪樓

蒼山煙澹寒谿風定玉簪羅帶綢繆輕竊暮飛青冥遠淨珠星壁

月光浮城際踊層樓正翠簾高捲綠瑣低鈎影落尊疊氣和歌管
共清遊 史君冠世風流擁香鬢凭檻霧鬢凝眸銀燭燠宵花光
照席譙門莫報更籌逸興醉無休賦探梅芳信繡曲新謳想見疎
枝冷蘂春意到沙洲

又爲富樞密
生朝壽

麒麟圖畫貂蟬冠冕青氈自屬元勳綠野舊遊平泉雅詠霞舒煙
卷朝昏風月小陽春照玳筵珠履公子王孫雪度崧高影橫伊水
慶生申 早梅長醉芳樽況中興盛際宥密宗臣琳館奉祠金甌
覆字和羹妙手還新光射紫微垣看五雲朝斗千載逢辰開取八
荒壽域一氣轉洪鈞

十月桃

年華催晚聽樽前偏唱衝暖欺寒樂府誰知分付點化金丹中原
舊遊何在頻入夢老眼空濛掠人冷蘂渾似當時無語低鬟 有
多情多病文園向雪後尋春醉裏凭欄獨步羣芳此花風度天然
羅浮淡粧素質呼翠鳳飛舞爛斑參橫月落留恨醒來滿地香殘

又爲富
樞密

蟠桃三熟正清霜吹冷愛日烘香小試芳菲時候無限風光洛濱
老人星見少室雲物開祥丹靑萬彙熊兆崑臺鳳舉朝陽 向元
樞曾輔巖廊記名著金甌位入中堂夢熟鈞天屢驚顛倒衣裳黃
髮更宜補袞歸去定軍國平章筦絃珠翠蘭玉簪纓歲歲稱觴

感皇恩壽

綠髮照魁星平康爭看錦繡肝腸五千卷出逢熙運蚤侍玉皇香
案禁塗揚歷遍紆宸眷 安養老成十年蕭散天要中興相公健
生朝開宴長是通宵絃筦藕花香不斷南風遠

又壽

年少太平時名園甲第談笑雍容萬鐘貴姚黃重綻長對小春天
氣綺羅叢裏慣今朝醉 台袞象賢元樞虛位壯歲青雲自曾致
流霞麟脯難老洛濱風味謝公須再爲蒼生起

又壽

荔子著花繁清微庭院賀厦雙飛畫梁燕綺羅叢裏百和爐煙祝

願願從今日去身長健
檀板競催榕陰初轉舞袖風前翠翹顫
明年開府錫宴金鐘宣勸壽星朝北斗君王眷

又壽

豹尾引黃旛宜麻金殿雨露恩濃自天遣指紳交譽最樂至誠爲
善信知宗姓喜君王眷 寶炬密香玉卮波灑醉擁笙歌夜深院
西清班近雅稱元戎同燕要看茅土相貂蟬面

夏雲峯

丙寅六月
爲筠翁壽

湧冰輪飛沉瀛霄漢萬里雲開南極瑞占象緯壽應三台錦腸珠
唾鍾間氣卓犖天才正暑有祥光照社玉燕投懷 新堂深處捧
盃乍香泛水芝空翠風迴涼送豔歌緩舞醉留瑤釵長生難老都
道是柏葉仙階笑傲且山中宰相平地蓬萊

千秋歲壽

相門出相和氣濃春釀傳家冠珮雲臺上龐眉扶壽杖綠髮披仙
髦星兩兩泰階已應昇平象 玉砌蘭芽長定向東風賞添綵袖
褰羅幌絲簧俱妙手珠翠爭宮樣江海量年年醉裏翻新唱

水龍吟
周總領
生朝

水晶宮映長城藕花萬頃開浮藻紅粧翠蓋生朝時候湖山搖曳
珠露爭圓香風不斷普熏沉水似瑤池侍女霞裾緩步壽煙光裏
霖雨已沾千里兆豐年十分和氣星郎綠鬢錦波春釀碧筩宜
醉荷囊還朝青氍奕世除書將至看巢龜戲葉蟠桃著子祝三千
歲

南鄉子壽

山寺輞川圖霜葉雲林錦繡居壽母浮春珠翠擁歡娛滿院流泉
繞綺疏 道氣自膺腴几席輕塵一點無天要耆英修相業清都
已有泥書降玉除

捲珠簾壽

祥景飛光袞繡流慶崑臺自是神仙胄誰遣陽和放春透化工重
入丹青手 雲璈錦瑟爭爲壽玉帶金魚共願人長久偷取蟠桃
薦芳酒更看南極星朝斗

醉蓬萊壽

對小春桃豔曲室爐紅乍寒天氣七葉棠開應金章通貴夢草銀
鈎燦花珠唾是素來風味滿腹經綸回天議論崑臺仙裔 祕殿
陞華紫樞勳舊退步真祠簡心端展迎日天元聽正衙宣制盡洗
中原偏爲霖雨宴後堂歌吹柏子千秋丹砂九轉今宵長醉

隴頭泉

少年時壯懷誰與重論視文章真成小技要知吾道稱尊奏公車
治安祕計樂油幕談笑從軍百鎰黃金一雙白壁坐看同輩上青
雲事大謬轉頭流落徒走出脩門三十載黃糧未熟滄海揚塵
念向來浩歌獨往故園松菊猶存送飛鴻五絃寓目望爽氣西山
忘言整頓乾坤廓清宇宙男兒此志會須伸更有幾渭川垂釣投
老策奇勳天難問何妨袖手且作閑人

天仙子

三月十二日奉同蘇子陪富丈訪菊翁於舊屋遂爲杏花留
飲懷甚命賦長短句乃得天仙子寫呈兩公未章併發一笑

樓外輕陰春澹佇數點杏梢寒食雨少年油壁記尋芳梁苑路今
何處千樹紅雲空夢去 驚見此花須折取明日滿城傳侍女情
知醉裏惜花深留春住聽鶯語一段風流天賦與

鵲橋仙

靚粧豔態嬌波流盼雙靨橫渦半笑樽前燭畔粉生光更低唱新
翻轉調 花房結子冰枝清瘦醉倚香濃寒峭雛鶯新囀上林聲
驚夢斷池塘春草

漁父家風

八年不見荔枝紅腸斷故園東風枝露集新採悵望冷香濃 冰
透骨玉開容想筠籠今宵歸去滿頰天漿更御冷風

生查子

天生幾種香風味因花見旖旎透香肌髣髴飛花片 雨潤惜餘
熏煙斷猶相戀不似薄情人濃淡分深淺

減字木蘭花

客亭小會可惜無歡容易醉歸去更闌細雨鳴牕一夜寒 昏然
獨坐舉世疎狂誰似我強撥爐煙也道今宵是上元

眼兒嬌

蕭蕭疎雨滴梧桐人在綺牕中離愁遍遶天涯不盡却在眉峯

嬌波暗落相思淚，流破臉邊紅。可憐瘦似一枝春柳，不柰東風。

昭君怨

春院深深鸞語花，怨一簾煙雨禁火已銷魂。更黃昏。衾煖麝燈落，雨過重門。深夜枕上，百般猜未歸來。

夜遊宮

半吐寒梅未拆，雙魚洗冰漸初結。戶外明簾風任揭，擁紅爐酒醺。聞霰雪，比去年時節。這心事有人忺說。斗帳重熏，鴛被疊，酒微醺。管燈花今夜別。

楊柳枝 席上次韻
曾新士

深院今宵枕簟涼，燭花光更籌何事促行觴。惱剛腸。老去一蓑

煙雨裏，釣滄浪。看君鳴鳳向朝陽，且腰黃。

綵鸞歸令 爲張子安
舞姬作

珠履爭圍小立，春風趁拍低態。閑不管樂催伊整銖衣。粉融香潤，隨人勸玉困花嬌。越樣宜鳳城燈夜，舊家時數他誰。

江神子

夢中北去又南來，飽風埃。鬢華衰。浮木飛蓬蹤跡，爲誰催。自笑自悲，還自語，一盃酒鼻如雷。曉輿行處覺春回，屑瓊瑰。穆莓苔。病眼衝寒欲閉，又還開。水近人家，籬落畔，遙認得，一枝梅。

西江月 和蘇
庭藻

小閣劣容老子，北牕仍遞南風。維摩丈室久空空，不與散花同夢。且作大真遊戲，未甘金粟龍鐘。憐君病後頰頰隆，識取小兒戲弄。

訴衷情 子兒時不知有荔子，自呼爲紅藥。父母賞其名，新嘗所未聞，殊盡形似之美。久欲記之，而因循比興諸公，和長短句，故及之以訴衷情。蓋里中推星毬紅，鶴頂紅，皆佳品。海舶便風，數日可到。

兒時初未識，方紅學語，問西東。對客呼爲紅藥，此興已偏濃。嗟

白首抗塵容，費牢籠。星毬何在，鶴頂長丹，誰寄南風。

採桑子 奉和秦楚材
史君荔枝詞

華堂清暑榕陰重，夢裏江寒。火齊星繁，興在冰壺玉井欄。風枝露葉誰新採，欲飽防慳。遺恨空槃，留取香紅滿地看。

菩薩蠻 送友人
還富沙

山城何歲無風雨樓臺底事隨波去歸棹望譙門沙痕爛斷雲
詩成空弔古想像經行處陵谷有餘悲舉觴澆別離

又

微雲紅襯餘霞綺明星碧浸銀河水欹枕畫簷風愁生草際蛩
鴈行離塞晚不道衡陽遠歸恨隔重山樓高莫凭欄

浣溪沙

詠木香

睡起中庭月未蹉繁香隨影上輕羅多情肯放一春過 比似雪
時猶帶韻不如梅處却緣多酒邊枕畔奈愁何

好事近

華燭爛離觴山吐四更寒月公子睡花枝玉盡一時豪傑 三冬
蘭若讀書燈想見太清絕紙帳地爐香煖傲一牕風月

南歌子

玉斧脩圓了冰輪分外清共看星向繡衣明元是生朝爲壽對難
兄 鴻鴈翻秋影填麝和笑聲他年中令綵衣榮記取今宵丹荔
醉瑤觥

醉花陰

詠木犀

紫菊紅萸開犯早獨占秋光老醞造一般清比着芝蘭猶自爭多
少 霜刀剪葉呈纖巧手撚迎人笑雲鬢一枝斜小閣幽牕是處
都香了

點絳脣

小雨忺晴坐來池上荷珠碎倬眉濃翠怎不交人醉 美盼流觴
白鷺窺秋水天然媚大家休睡笑倚西風裏

花心動

七夕

水館風亭晚香濃一番菱荷新雨簾枕乍閑襟裾初試散盡滿天
袞暑斷雲却送輕雷去疎林外玉鈎微吐夜漸永秋驚敗葉涼生
亭戶天上佳期久阻銀河畔仙車縹緲雲路舊怨未平幽憤駐恨
入半天風露綺羅人散金猊冷醉魂到華胥深處洞戶悄南樓畫
角自語

驀山溪

一番小雨陡覺添秋色桐葉下銀牀又送箇淒涼消息故鄉何處

搔首對西風衣線斷帶圍寬衰鬢添新白 錢塘江上冠蓋如雲
積騎馬傍朱門誰肯念塵埃墨客佳人信杳日暮碧雲深樓獨倚

鏡頻看此意無人識

以上吳本蘆川詞卷下一百首

附錄

沁園春

欹枕深軒散帙虛堂畏景屢移漸披襟臨水搯牀就月蓮香拂面
竹色侵衣壓玉爲醪折荷爲醖臥看銀潢星四垂人歸後任飢蟬
自嘯宿鳥相依 癡兒莫蹈危機悟三十九年都盡非任紆朱拖
紫圍金珮玉青錢流地白壁如坻富貴浮雲身名零露事事無心
歸便歸秋風動正吳松月冷蓴長鱸肥

案此首李綱遜詞宋本誤收

阮郎歸

長楊風軟弄腰肢日長蝴蝶飛雨餘新綠細通池玉鉤懸妓衣
鴻雁遠子規啼此情誰得知一尊聊與故人持醉來悲別離

花草神編

案此首王之道詞粹編誤收

江神子

銀濤無際卷蓬瀛落霞明暮雲平曾見青鸞紫鳳下層城二十五
絃彈不盡空感慨惜餘情 蒼梧烟水斷歸程卷霓旌爲誰迎空
有兩行流淚寄幽貞舞罷魚龍雲海晚千古恨入江聲

案此首葉石林詞宋本蘆川詞誤收之

醉花陰

翠箔陰陰籠畫閣昨夜東風惡芳徑滿香灑南陌東郊惆悵妨行
樂 傷春比似年時惡潘鬢新來薄何處不禁愁雨滴花腮和淚
胭脂落

案此首李綱遜詞

鷓鴣天

不怕微霜點玉肌恨無流水照冰姿與君著意從頭看初見東南
第一枝 人散後雪晴時隴頭春色寄來遲使君本是花前客莫
怪殷勤爲賦詩

案此首葉石林詞

南歌子

桂魄芬餘暈檀香破紫心高鬢鬆綰鬢雲侵又被蘭膏香染色沈沈
指印纖纖粉釵橫隱隱金更闌雲雨鳳帷深長是枕前不見殢人尋

案此首周清真詞

以上三首並誤入宋本及毛本盧川詞

又見草堂別集

輕羅團扇掩微羞酒滿玻璃花滿頭小板齊聲唱石州月如鉤一寸橫波入髻流

案此首呂渭老詞毛本盧川詞誤收之

踏莎行 別意○草堂別選

芳草平沙斜陽遠樹無情桃葉江頭渡醉來扶上木蘭舟將愁不去將人去薄劣東風天斜飛絮明朝重覓吹笙路碧雲香雨小樓空春光已到銷魂處

案毛本盧川詞據草堂別選補恐不可信

案雙照樓刊景宋本盧川詞二卷共一百八十五首其間沁園春欲曉深軒一首醉花陰翠箔陰陰一首並李綱遜詞南歌子桂魄分餘暈一首乃周清真詞江神子銀燭無際一首鶴鵲天不怕微霜一首並葉石林詞實得一百八十首黃幾園謂向藏毛鈔本盧川詞作一卷與此本多不同但汲古閣所刊盧川詞一卷差近於此本僅毛氏畧入踏莎行芳草平沙一首荳蔻黃輕羅團扇一首茲取景宋本一百八十首至毛本補踏莎行一首恐不可信又花草粹編卷四載盧川阮郎歸長楊風軟一首乃王之邁詞毛本荳蔻黃一首乃呂渭老之詞茲並刪去

